



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 94. Diæceses Elisabethæ Reginaë jussu lustratæ.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

necnon palatium Regium cum omni suppellectili Administratrici restituerentur.

Sæcul. XVI.
A.C. 1559.

Hæc pacta utrique parti oppido erant necessaria; quippe foederati ad reparandas vires suas opportunum quærebant temporis spatium: Administratrix vero hujus intervalli beneficio armorum suppetias ex Galliis sese interea recepturam sperabat; quapropter pacta in induciis stabilita haud diu servare curabat, moxque Leithæ propugnacula reparare jusserat, ac Protestantibus hanc urbem incassum obsidentibus ipsa hostiles copias, quas Edimburgum se recepisse noverat, cum toto suo exercitu ineunte Mense Novembri insequabatur, illasque inopino aggressa tam prospero successu obruebat, ut foederati relicto Edimburgo Sterlinum aufugere compellerentur: hæc itaque prima fuit Scotorum tumultuum origo.

§. XCIV.

Diecefes Elisabethæ Reginae jussu lustratæ.

Interim Elisabetha Regina pro summo imperio Religionis negotia in Angliæ Regno assidue moderabatur, ac præ-

Burnet hist. de la ref. l. 3.

primis sacras imagines in Templis asservari præcipiebat, cum illas plurimum ad excitandam pietatem conferre

Sæcul. XVI.
A.C. 1559.

cenferet, atque exinde Ecclesias maiori confluentium numero conspicuas reddi speraret. Verum reclamantibus Episcopis, ac Protestantibus ipsa, si fidem non mutavit, saltem aliam induit agendi rationem; quippe imagines, picturas, & statuas ex Ecclesiis auferri præcepit, quinimo haud contenta, quod decreta Ecclesiastica regnante Eduardo VI. fratre suo sub primo regiminis anno promulgata rursus innovasset, insuper alia nova condidit, quorum præcipua hic referimus.

§. XCV.

Præter decreta Ecclesiastica ab Eduardo condita, adhuc alia per Elisabetham stabilita.

Itaque præprimis Sacerdotibus, & Diaconis matrimonia inire inhibuit, nisi prius Episcopus Diocæsanus id permisit, atque accedente utriusque Urbani Rectoris consensu etiam cognati, vel mulieris amici consenserint. II. Præcepit, ut Ecclesiastici juxta utriusque Universitatis consuetudinem vestiantur. III. Omnes Officio Divino in quavis Parochia assistant. IV. Durante re Divina non aperiantur cauponæ. V. Prædicatores a loci Ordinariis Verbum Dei annuntiandi licentiam postulent. VI. Episcopi in quavis Parochia tres, vel